



UKA 2019/140

26/9-2019

Justus Hansen

Uunga siunnersuut: Inissianik aningaasalersuisarneq pillugu Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2019-imeersoq. (Inissialiortiternermut tapiissutitalimmik illulianik iluarsaassinermut, pitsanngorsaanerermut alliliinermullu taarsigassarsititsisarneq tapiissuteqartarnerlu)

(Ineqarnermut Attaveqaqatigiinnermullu Naalakkersuisoq)
(Siullermeerneqarnera)

Demokraatit paasivaat Naalakkersuisut siunnersuummi akisussaaffik inissialiortiternermut tapiissutitalimmik illulianik iluarsaassinermut il.il. kommuninut ingerlateqqinniaaraat. Tamanna tulluartutut isigaarput, sammisamummi aalajangiisarnerit inuinnarnut qaninnerulissammata.

Ilutigalugulu paasivarput siunnersuut pisortat aningaasaqarnerannut kinguneqartussatut naatsorsuutigineqanngimmat, tamanna ajunngitsutut isigaarput.

Demokraatinit paasivarputtaaq 150.000 koruuninik inissiamik iluarsaassinermut, il.il. kommunalbestyrelsi Tapiissuteqarsinnaanngussasoq. Tapiissulli aatsaat tunniunneqarsinnaassaaq inoqutigiinnut ukiumut 180.000 koruunit inorlugit isertitaqarsimasunut. Tamanna ajunngitsutut isigaarput isumaqarmammi inuit isertitakittut aamma iluarsaassinermut pitsanngorsaanerermullu akissaqalissasut.

Taamatut oqaaseqarluta siunnersuut Inatsisartut Sanaartornermut ataatsitmiititaliaanut innersuuppaput.